

Talaabooyinka 29 Oktoobar

Dawladdu waxa ay leedahay xeerar si fayraska Corona loo joojiyo.

Raac xeerarka. Markaa ayaad cudurka ka badbaadaysaa ama qofka kale aad ka badbaadinaysaa. Bilaysku waxa uu hubin doonaa in aad xeerarka raacayso iyo inkale.

Fiirof gaar ah: Magaalooyinka iyo degmooyinka qaarkood waxay leeyihiin xeerar dheeri ah. Hubi bogga internetka ee magaaladaada ama degmadaada.

Talooy si loo helo deyr iyo jiilaal nabdoon

- Waxa fiican in la is tallaalo. Haddii dad badan la tallaalo, markaas way inoo ammaan badnaan doontaa dhammaanteen.
- Ma jirran tahay? Guriga joog oo is baar
- Ma la xidhiidhay qof qaba korona? Ma dalka dibaddiisaad ka soo noqotay? Ixtiraam xeerarka la xiriira karantiilka iyo is gooni yeelka.
- Si fiican u leeri guriga: fur daaqaadaha.
- Sigaar ah u ilaali dadka nugul. Tusaale ahaan: dadka ka weyn 65 sano, dadka qaba dhibaatooyinka wadnaha, sambabada ama kelyaha iyo dadka u nugul caabuqyada

Covid Safe Ticket (CST) -Tigidka Badbaadada ee Covid-ka

- Laga bilaabo 1-da Noofembar, waxaad goobaha qaarkood u baahan doontaa tigidka badbaadada ee Covid-ka (CST), tusaale ahaan
 - Mar kaad joogto Kafee ama makhaayad
 - Xarumaha jirdhiska
 - Goobaha diskoteeg-ga ama dhacdooyinka waaweyn.
- Covid Safe Ticket ayaa ku tusaya in
 - si buuxda lagu tallaalay ugu yaraan 14 maalmood gudaheed.
 - ama aad soo martay baaris koronaha ah oo taban (negatief) (ugu badnaan jiraa 72 saacadood).
 - ama uu dhawaan kugu dhacay korona (in aan ka badnayn 180 maalmood ka hor)
- Waxaad ka heli kartaa Covid Safe Ticket www.covidsafe.be ama app-ka CovidSafeBE.

Maaskarada afka

- Ma ka weyn tahay 12 sano? Markaa maaskarada afka waa qasab goobaha dadweynaha. Tusaale ahaan:
 - Dukaanka dhexdiisa
 - Gaadiidka dadweynaha
 - Xarunta daryeelka caafimaadka; tusaale ahaan cisbitaalka ama xarunta daryeelka waayeelka

- Hoolka-tiyaatar-ka, hoolka-riwaayadaha, xarunta isboortiga,...
- Maktabadda dhexdeeda
- Inta lagu jiro cibaadada

Shaqo

- Waxa fiican inaad guriga ku shaqayso.
- Shaqo ma aaddaa? Raac shuruucda shaqadaada.
- Su'aalo ma qabtaa? Waxa macluumaad ku siin doona maamulahaaga.

Dukaammada

- Dukaamadu way furan yihiin.
- Waxaa jira suuq.
- Dukaanka habeenkii shaqeeya wuu furan yahay.
- Timajarayaasha iyo xirfadaha kale ee aan caafimaadka xiriir la lahayn way furan yihiin. Tusaale ahaan: daryeelka cagaha iyo qurxinta cidiyaha, goobaha qurxinta gaarka.
- Xiro maaskaro afka ah marka aad joogo goobaha lagaaga baahanyahay in aad xirato

Hoteellada, maqaaxiyaha iyo kafateeriyadaha

- Kafateeriyadaha iyo maqaaxiyaha way furan yihiin.
- Waa inaad haysataa Covid Safe Ticket. Waxaad ka heli kartaa tigidka Covid Safe Ticket www.covidsafe.be ama app-ka CovidSafeBE.

Waqtiyada firaaqada

- Gurigaaga dad waad ku martiqaadi kartaa,
- Waxaa jira dhacdooyin ama bandhigyo. Tusaale ahaan: tiyaatarka, tartamada isboorti ee xirfadeed ama riwaayadaha.
- Hawlaha la soo agaasimay, sida naadi ama urur, waa la ogol yahay.
- Adeegyada cibaadada waa la ogol yahay.
- Meel kasta waad ku jimicsan kartaa. Goobaha diskoteega iyo qoob -ka cayaarka ayaa furan.

U fiirso:

- Gudaha goobaha qaarkood waa inaad maaskaro afka xirataa. Tusaale ahaan: maktabad, hoolka masraxa, hoolka riwaayadaha, xarunta isboortiga, ...
- Goobaha qaarkood waxay kaaga baahan yihiin inaad haysato Covid Safe Ticket. Tusaale ahaan: xafladaha waaweyn, diskoteeg-ga iyo goobaha jimicsiga.
 - Waxaad ka heli kartaa Covid Safe Ticket www.covidsafe.be ama app-ka CovidSafeBE.

- Ma lagaa rabaa inaad tusto Covid Safe Ticket? Markaa xirashada maaskaro afka ma aha qasab.

Xanaanooyinka (Crèches) iyo Iskoolka

- Xanaanooyinka (crèches) way furan yihiin.
- Carruurta way aadi karaan dugsiiga. Dugsiigaaga ayaa ku siin doona macluumaad dheeraad ah.

Safarka dalka dibaddiisa:

- Waxa fiican inaad u safrin meel ka baxsan Midowga Yurub
- Ma aadaysaa dalka dibaddiisa? Waxa jira 3 koodho-midabo ah(kleurcodes).
 - Guduud(Rood): waa deegaan ama dal halista coronaha in aad qaaddaa ay sarayso. Waxa fiican halkan inaad u safrin.
 - Liimi(Oranje): waa deegaan ama dal halista coronaha in aad qaaddaa dhexdhexaad ay tahay. Halkan waxa fiican in aadan u safrin.
 - Cagaar(Groen): waa deegaan ama dal halista coronaha in aad qaaddaa ay hoosayso. Halkan waad u safri kartaa.
 - Ka fiiri bogga internetka <https://www.info-coronavirus.be/nl/kleurcodes-per-land/>
- Dalka aad aadayso xeerarka ka jira ka fiiri bogga internetka ee diplomatie.belgium.be

Markaad ka soo noqoto safarka dibadda

- Ma soo joogtay in ka badan 48 saac dalka dibaddiisa ?
 - Buux-buuxi warqadan (formulier) aad ka helayso <https://travel.info-coronavirus.be/nl/public-health-passenger-locator-form> inta aanad ku soo laaban Bejamka.
 - Ma waxaad ka timid aag cagaar ah ama liimi ah? Ma'aha qasab inaad isbaarto iyo inaad karantiil gasho midna.
 - Ma waxaad ka timid aag guduud ah oo ka tirsan Midowga Yurub?
 - Ma haysataa Warqadda-cadaynta-tallaalka ama Warqadda-cadaynta-ka-soo-kabashada? Inaad karantiil gasho ama aad isbaarto qasab ma'aha.
 - Ma haysatid Warqadda-cadaynta-tallaalka ama Warqadda-cadaynta-ka-soo-kabashada? Ma haysatid baaritaan koronaha ah oo taban (negatief ah) oo ugu badnaan 72 saacadood jir ah? Isbaar maalinta 1 iyo maalinka 7 ka dib markaad ka soo laabato safarkaaga.
 - Baaritaankaagu ma yahay mid togan (positief)? Markaas waa in aad 10 bari karantiil gashaa
 - Carruurta da'doodu ka yar tahay 12 sano ma aha inay baaritaan sameeyaan.
 - Ma waxaad ka timid aag guduud ah oo ka baxsan Midowga Yurub?
 - Ma haysataa Warqadda-cadaynta-tallaalka? Isbaar maalinta 1 ama 2 ka dib markaad ka soo laabato safarkaaga. Baaritaankaagu ma yahay

mid taban (negatief)? Markaas waad ka bixi kartaa karantiilka marka aad hesho natiijadaada. Mar kale is baar maalinka 7-aad. Mayahay mid kamida baaritaanadaas mid togan (positief)? Waa inaad gashaa 10 maalmood oo karantiil ah. Carruurta da'doodu ka yar tahay 12 sano ma'aha inay baaritaan sameeyaan.

- Ma haysatid Warqadda-cadaynta-tallaalka? Waa inaad karantiil ku jirtaa 10 maalmood. Isbaar maalinta 1 iyo maalinka 7 ka dib markaad ka soo laabato safarkaaga. Natiijada baaritaanka maalinka 7aad ma yahay mid taban (negatief)? Markaa karantiilka waad ka soo bixi kartaa.
- Waxaa jira dalal aan tani sidaas u ahayn. Liiskan dalakaas waxaad ka heli kartaa <https://www.info-coronavirus.be/nl/kleurcodes-per-land/>
- Ma waxaad ka timid aag khatar-tiisu ay aad u sarayso?
 - Macluumaad ka guud ee aagaggan waxaa laga heli karaa [info-coronavirus.be/nl/hoog-risico-landen/](https://www.info-coronavirus.be/nl/hoog-risico-landen/)
 - Kani ma yahay waddan ka baxsan Midowga Yurub?
 - Waa inaad karantiil ku jirtaa 10 maalmood. Tan waxaa laga rabaa qof walba.
 - Isbaar maalinta 1 iyo maalinta 7 kadib markaad ku soo laabato Beljamka.
 - Kani ma ka tirsan yahay Midowga Yurub ama aagga Schengen?
 - Ma haysatid shahaado tallaal?
 - Isbaar maalinka 1-aad ee aad guriga ku soo laabato. Baaritaankaagu ma yahay mid taban(negatief)? Markaa waad ka bixi kartaa karantiilka. Kadib mar kale is baar maalinta 7.
 - Baaritaanku ma yahay mid togan (positief)? Waa inaad karantiil ku jirtaa 10 maalmood.
 - Fadlan ogow: waxaa lagugu ganaaxi karaa 250 euro haddii aadan sidan sameyn.

Xeerarkan waxa ay muhiim u yihiin caafimaadka qof kasta. Qofkasta waxa laga rabaa in uu xushmeeyo. In aad sidaa yeesho waad ku mahadsantahay. Si wada jir ah ayaan fayraska Corona-ha u joojinaynaa.